

IA

DIVERS.
TRAICTES.
HISTOR.


IA

IA

IA

IA





OE^{xv}
754

Pièce 1 - Daunou	381-	
2 -	912-	Pellechet 4168 ^{bis} =
3 -	915	- 4618
4 -	913	
5 -	914	- 3899
6 -	916	
7 -	917	
8 -	918.	

Toutes les autres pièces sont du XVI^e siècle.

EXV 754 p. verte

ancien L 4° 463

Relure aux armes de
De Mon avant
les deux mariages

OE xv
754

16 17
Traicte de harengue de monseigneur de lodene ppo
see deuant nostre saint pere le pape Trailla
tee de latin en francois

Au saint pere combien que parolles legerement dictes
ou escriptes detracter de la gloire et renommee d'autrui
Vouloit par parolles iniurieuses come lon feroit par dar
l'assair soit demonstrence de insolence bas Vil et lasche contra
ge Et ne doiuent par l'homme modeste et magnanime a l'encon
tre du quel elles se disent estre prinsees a cueur ains le continuer
et par le seu de cōstance les recepuoir Toutefois elles peuent
de si pres toucher et estre dictes par tel et si grant personnage
et en telle compagnie que pose quelles fussent controuuees ce
seroit grandement a la foule de l'honneur diminucion de la gloi
re et credit du personnaige a l'encontre du quel elles sont pfe
rees si les laissoit passer par dissimulation sans en faire aucu
ne demonstacion Et a la Verite combien que entre les condi
cions du Bray magnanime soit quil ne se doit facilement ne
aisement esmonuoir de quelque chose qui luy puisse aduenir
et mesmement de parolles indiscretement et legierement di
ctes pferrees ou escriptes a l'encontre de luy Toutefois elles
pouront estre si souuent repetees et reiterees quil congnois
roit euidentement lesdictes parolles non tant proceder par in
discrectiō et legerete que par malice hayne inueterree tresmau
uais et dāpne Vouloit Lors nō seulement il ne les doit pas cō
tenuer et passer par dissimulation mais ou il nen feroit decla
racion il dechetteroit de la magnanimitē et seroit pusillanime de
petit cueur trahissant sa gloire et honneur quil doit auoir a
cœur plus que tous les biens de fortune quilz luy pourroient
aduenir Le cōgnoissant le roy trescrestien est a certene de l'an
cienne hayne simulee et malueillance continuelle que le roy
des rommains a tousiours eu a l'encontre du roy aulne de fra
ce Et lequel combien que les feuz Roys et Charles de bonne
memoire avec lesquels auoit eu continuelle guerre fussent al
lez de Vie a trespas ne sest peu toutefois cōtenir quil ne lait
continuee a l'encontre de luy en luy faisant deux moys apres
son sacre et coronacion sans offence cause ne raison la guerre
de laquelle l'issue fut selon sa helle et par experience cōgneue
Hayne sans iuste querelle et pouoit naistre de grant effect las
Ai



dicte hayne ne cest pourlant estaincte/ains comme en tous
iours mettant tousiours du bois au feu il se fait plus grant
dautant aussi que moyennât la grace de dieu la prosperite dui
dit roy trescrestien a este plus grande dautant elle a este cau
se et matiere dangmenter et plus susciter le feu denuye hayne
et malueillance dudit roy des romains a lencontre dudit sei
gneur Et Voyât ledit roy des romains par plusieurs annees
laccroissement euidant dudit roy trescrestien et cognoissant na
voir le pouoir de executer son Vouloir et quil estoit destitue
de tout port secours ayde et faueur pour par effort greuer le
dit seigneur cest efforce par nouuelle faconde guerre la assailir
Cest assaouir par opobres iniures et libelles diffamatoires
en le Voulant descrire enuers les electeurs de lempire et prin
ces dalmaigne en lappellant par ses lettres publiques mises
en mouste infracteur de foy tyrant lasche enuicelly et couard
cuidant par ce sacroistre en honneur et diminuer le credit hon
neur et gloire dudit seigneur quil a par ses Vertues et merites
acquises tant en almaigne que ailleurs Touteffois il est bie
deceue de son intencion/car comme la fleche tire contre la roche
dure se retorque et relatist a lencontre de celui qui la tire ainsi
est il que les iniures blessent seulement deshonorent et retou
nent sur celui qui les profere desquelles parolles iniures et li
belles diffamatoires ledit seigneur nen auoit fait aucun sem
blant ne demonstracion ains aussi facilement les auoit des
prisees quelles auoient este par luy legierement dictes et es
criptes et les eust perpetuellement et a iamais oubliees si le
dit roy des romains se feust a tant tenu Et lequel non con
tent de lauoir cuidoier descrire en almaigne en contennant sa di
cte hayne neust de rechief par nouuelles et trop plus piquan
tes querelles fainctes et controuuees inuencions charger le
dit seigneur en sefforcât de getter son Venin iusques en italie
a lencontre de luy Et a la Verite il ne luy auoit pas souffist
et nauoit satisfait a sa hayne et mauuais Vouloir en cuidant
par lesditz premiers libelles diffamatoires sollicitier a lencon
tre du roy les electeurs de lempire et princes dalmaigne avec
lesquelz a tousiours este et encores est solide ferme constant &
ppetuelle alliace en les Voulat faire Barier et alienet et lan
cienne & Vraye amitie quilz ont tousiours eue enuers le roy

anme et roys de france / mais qui plus a de nouueau escript
lettres audit saint colliege contenant contre toute Verite au
torite notables inuencions et choses contrainctes esperant p
icelle paruenir a son intencoin et tollir audit seigneur son hon
neur credit amour et reputacion quil a en italie Et cest effor
ce tressainct pere soustraire et refroidir par sesdictes subdolz
captieuses et Vulpines inuencions non seulement lamour be
niolence soy seurte et esperance que la seigneurie et ledit
saint colliege a tousiours eue et a encores de present audit sei
gneur comme roy trescrestien et a tout son royaume Mais q
pis est et intolérable audit seigneur le Voulant sil est Vray ce
quil a escript le rendre et faire eximer comme infidelle et hors
de la communion de leglise Et pource Voyant ledit seigneur
le Venin de la hayne et mauueillance prendre trop grandes ra
cunes et trop auant publier et quil nestoit lieu ou il neust pla
te de sa semence iusques a nespaigne le iardin du saint siege a
postolique que il auoit cuide par ses lettres plaines de Venin
empoisonner en blasonnant contre Verite lhonneur gloire et re
nommee dudit seigneur na trouue par conseil quil deust plus
auant differer et dissimuler sans obuier aux captieuses et co
trouuees inuencions dudit roy des rommains Et ne pouoit
aduenir au roy trescrestien chose plus agreable que ql ait plu
a dieu luy donner loppportunité de deslier les liens Venimeux
desdictes inuencions et monstret euidammēt ledit roy des ro
mains icelles et tirer et auoir Vouloit de paruenir ailleurs et
par tout ce quil a escript dudit seigneur est faint et par luy co
trouue Et combien que ledit roy des rommains ait mis tou
te peine de cuider descrier ledit seigneur escript de luy et dit tou
tes choses contraires et non Veritables que grandement tou
chent et blessent son honneur Toutefois ledit seigneur ne fe
ra semblable enuers luy et declare ne le Vouloit descrier ne
dire chose qui soit a son deshonneur se ce nest dautant que il
seruita pour sa iustificacion et pour monstret la Verite estre
au contraire desdictes lettres et parolles controuuees. Et
pource congnoissant ledit seigneur le combat de parolles nap
partenir ne a roy ne a princes ains a gens de basse esto
fe et Vile condition se dauanture en monstrant la Verite
du fait et se purgeant desdictz impostz et calumpnieuses

inuencions et si dict quelque chose dont le roy des rommains
se sente blesse et offence ou quil se propose chose quil semblast
estre a la louenge dudit roy trescrestien Il pteste quil ne fait
riens dire ne proposer par maniere daccusacion ne par ostenta
cion ou Vaine gloire ce ce nest dautant que la Verite de laffai
re qui se offre et innocence & nettete de sa maieste le requerent
et permettent. Car il na acoustume estre par parolles ostenta
teur ne preconyzateur de ses faiz ne Vouloit aussi descrire au
truy pour sacroistre en bien et honneur & apparoirre pl^{us} grāt
bien entendant que lhōme Vertueulx nest pas repoute tel pour
oppinions que les hommes ont de luy mais par lintrinseque exi
stence de Vertu quil a et est cōioincte avec son ame laquelle se
contente de son propre iugement. Et combien quelle soit soli
taire ne fait chose quelle ne feust comme estant en plain thea
tre et assemblee des hommes desquelz ne requiert le tesmonai
ge. Car elle est par dessus leur oppinion et a tesmoignaige en
soy plus grande que celuy des humains. Et Vne seule chose
tressainct pere apres la nette se de lame et rectitude de la cons
science dudit roy trescrestien le console cest que l'occasion cest
donnee que laffaire se propose & demonstre en la presence de la
sainctete qui est Vray et seul Vicaire de iesucrist es presences d^e
messeigneurs tresteuerā cardinaulx representā leglise trium
phante qui poisent et balansent egallement et congnoissent
mieulx que nulz autres la Verite Vraye & les merites dun cha
chun/es presences desquelz toute mēterie dicte est & doit estre
reputee et pugnue comme sacrilege. Quoy congnoissant ledit
seigneur ne faict presentement proposer chose qui soit derogā
te a sa maieste a lhōneur dudit saint colliege qui est le p^{ri}mier
et le plus digne senat de tout le monde qui ne soit Veritable et
pour seullemēt garder son honneur/dieu qui seul congnoist la
fureur des humains en est et sera le Vray tesmoig et iuge Et
toy tressainct pere son seul et certain Vicaire et Vous messei
gneurs tresteuerā d^e toute leglise catholique solide ferme fō
dement dautant que par euidentes raisons le sperit des hom
mes peult apprehender esperons que le tout qui Vous sera pro
pose auez agreable et lapprouerez. Tressainct pere pour par
uenir au fait ledit roy trescrestien a este aduertty que ledit roy
des rommains Vous a escript et a messeigneurs de cedit saint
colliege lettres par les quelles il signifioit sa Venue en Ita

ne pour obuier aux mauuaises entreprinſes et dampne Vou
loit dudit roy trescrestien qui Vouloit Vſurper et appliquer a
luy l'empire d'italie retirer le papat en france pour auoir tem
porel et ſpirituel a ſon plaſir Et q̄ tout ce procedoit par les
ortacion de tresreuerend pere en dieu monſeigneur le cardinal
damboiſe legat en france lequel Vouloit eſtre pape toy nō ſeu
lement Viuant Mais pour a ce paruenir le en degetter et de
ſapointer ce que ledit ſeigneur euſt facilement fait pour la
grande armee quil auoit assemblee neust eſte la peur que il a
eue de luy et de ſa dicte Venue en italie Ce ſont treſſainct pe
re les arcs et arbaleſtres que bande le roy des rommains ſes
bombardes et autres pieces d'artillerie affutees et fondees en
lair et non en terre ferme et eſtable par leſquelz il aſſault l'hō
neur du roy trescrestien/ce ſont ſes controuuees et poingnan
tes inuencions qui luy ſeront de tel proffit/ comme les elles
et faulces plumes de icarus/par leſquelz il cuide ſeſſorce re
ietter ledit ſeigneur du chasteau dhonneur et de la haulteſſe
et ſublimite de la gloire et renommee quil a par ſes Vertus et
merites acquiſes/Mais ſe dieu treſſainct pere nous donne la
grace de acquerir et concilier labeniulence et du ſainct colle
ge par nous ouyr Et ſi nous pouons le dire et expliquer ce q̄
auons en charge et cōmiſſion et paruenir a la fin que tendons
nous eſperons monſtrer et donner a congnoiſtre quil neſt riens
que l'homme tant doibue craindre que hayne et enuie et icelle
a lencōtre de luy conceue il neſt riens que tant'il doibue deſirer
quant il eſt pur et innocent que de trouuer perſonnages telz q̄
ſont pour bien le tout entendre et ſcauoir diſcerner es preſen
ces deſquelz tous faulx rapors prennent leur fin et Vont en
fumee il eſt ainſi daccuſer Vng chaſcun tant ſoit il pur et in
nocent/mais le ſeul innocent et coupable ſe peult cōuaincre et
cōbien treſſainct pere que ledit roy trescrestien ſoit aſſes acer
tene les bonnes pourueues et cler Voyantes diſcrecions de la
ſainctete et dudit ſainct college eſtre telles quelles ayent ſur
leure de la lecture dicelles lettres fait le iugement tel quil ap
partient et congneu de quel eſtomac prede et a quelle fin tend
ledit roy des rommains Le neaumoins ledit roy trescrestien
non par forme de pūſe au quel comme pur et innocent y ny en
eſchet point ne auſſi pour pallier ne Vouloit courir leſdictz

obiectz et impost/mais pource quil est temps que la Verite se
sache et que mieulx ne plus commodement ne peult estre sceue
que en ce tressainct colliege & en ta presence tressainct pere qui
est le despostz et repositoire secret de Verite come estant Vicai
re de celuy qui est la Vraye Verite dont toute Verite humaine
se despéd a este cause pour oster lenuye exterminer la hayne di
fuer et aneantir lesditz crimes et obiectz ledit seigneur na p
Voulu dissimuler ne laisser passer loccasion quil nait enuoye
messire albert pic prince de carpe son conseiller et chambellan
et moy en sa compagnie ses ambassadeurs et a ta saintete et
audit saict colliege pour asseurer et pour Verite efformer tout
ce que ledit roy des rommains a fait et escript dudit roy tres
crestien estre aussi loing de la Verite comme sont tous extres
mes et contraires repugnans ensemble et le tout auoir este p
luy contre Verite escript fame & controuue. Et premierement
tressainct pere esse Vouloit Vsurper l'empire d'italie refuser
quant il a este offert ie diray chose qui semblera estre nouue
le et difficile a croire a plusieurs toutesfoys elle est Veritas
ble et ne dira le contraire ledit roy des rommains quil n'ayt sou
uent offert et fait offrir audit roy trescrestien es personnes de
plusieurs bons et grās personages quilz conduissent ses pri
cipaulx et secretz affaires lors ses ambassadeurs deuers sur
l'empire d'italie et les a tresiuslement stimulez et poursuivis
a ce que ledit seigneur il Voulsist entendre se offrant a ce faire cō
descendre et cōsentir les electeurs de l'empire A quoy tousiours
ledit seigneur a fait dire et respondre que le royaume de fran
ce avec ses autres terres et seigneuries luy souffisoit et quil
estoit content de ce que dieu luy auoit donne Et quelque re
monstrance quil feist faire audit seigneur ne peult tant faire
quil y Voulsist entendre. En oultre que ledit seigneur n'ayt
point eu de desir ne aucune affection audit empire ce peut as
sez clerement congnoistre et iuger par ce quil a fait pratiquer
tant en italie que en almayne/et qui est celuy qui en toutes
ses pratiqes et intelligences le peult noter et accuser de la moi
dre apparence de ladicte ambition & Voullente et que en secret
ou couuertement il en ait fait porter Vne seule parolle Si
ledit seigneur y eust eu l'affectiō telle que escript ledit roy des
rommains nestoit il pas trop plus aise et facile de l'auoir & pre

die par sa main et a ce consentans et approuuans lesdictz ele-
cteurs que de le Vouloir par force Usurper et p auanture nen
Venir a son honneur Dabondant cobien que par plusieurs an-
nees ses affaires luy soient Venus a son desir et a souhait en
italie ou il a este souuent et encores est si puissant que facile-
ment il eust peu sacroistre Qui est celuy toutesfois qui puisse
accuser dauoir Voulu entreprendre aucunes choses fors que
garder et conseruer les seigneuries de ses ancestres et ce q luy
appartient et quil nont eu autre Vouloir asses se demonstre
car combien que aucunes seigneuries ditalie se soient par cy
deuant Voulu donner a luy/ledit seigneur ne les a Voulu res-
cepuoir Parquoy tressainct pere et Vous messieurs trestreue-
rens qui estes tressaiges moderateurs de la chose publique y
a il apparence et esse signe q ledit roy trescrestien ait eu Vou-
loit de Usurper et attribuer a soy lempire ditalie quant il luy
a este offert et il la refuse auoit par tant dannees Vescu sans
en parler ne faire Vne seule mencion se estre cotenu en ses Vi-
ctoires et les auoir moderees cobien que de leur nature elles
sont Violentes et superbes Mauoit aussi Voulu accepter ne re-
cepuoir ceulx qui se donnoient a luy Certes plus tost est il a-
louer de louanges perpetuelles de ce que cest contenu et au-
derez sen Vouloir auant pouoir de passer les limites de iustice
quil na toutesfois excede es ne passees Et si ledit roy des ro-
mains a escript ce que dessus/ce nest hors de sa coustume des-
cripre dont il a par cy deuant Use Car par auant il a remply
les alemaignes dopprobres iniures et libelles diffamatoires
contre ledit seigneur comme dit est Et neaumoins cuide par
ses fainctes controuuees inuencions esmouuoir litalie alen-
contre dudit seigneur esperant par ce luy leuer tollir et oster la
reputacion et rendmee quil a acquis comme prince qui bien y
a Vescu et Veult Viure non comme tyrant et Usurpateur et
qui ne scauroit ses passions particulieres et Voluntez insacia-
bles et ne congnoistroit la source et le fondement de sa hayne
malueillance et inimitie ancienne q il a alencontre dudit roy
trescrestien il en pourroit p auanture demourer qlque iressio
aux oreilles des escoutas/car a la Verite de prime face il nest
pas Vray semblable et ne pourroit on ayseint croire q Vng roy
et prince dont la parole doit estre cõe euangille et cõe dit isocrate

escripuât au roy nouvelles a la simple parolle du roy foy doit
estre plus tost adioustee que aux sermens et iugement des au
tres Voulsist auoir escript ne Vser de tel languaige sil nestoit
Veritable Mais que congnoistra comme assez il se donne a
congnoistre par quel art et moyes il cuide paruenir a ses fins
Il trouuera quil na riens faict exorbitant et descriptuant de
ses meurs propre nature et custume de faire dont de pl^{us} auant
y entrera ledit seigneur se deporter de peur quil ne semble q^{il} d^{un}eil
le combatte de iniures et opprobres et non de raison et Verite
et aussi de peur de estre notte de semblable Vice que luy. Tous
ces fois neust este espoir et confiance que ledit seigneur a eu
que les dictes lettres du roy des rommains ont estez leues et
recitees audit saint colliege ou les meurs dun chacun et non
les parolles ont a custume de estre posees ou il ne se prend riens
quil soit hors des termes de raison et Verite Nostre presente
occasion eust tire plus auant Et pour par ordre confuter tou
tes les inuencions entant que dict en oultre que ledit roy tres
crestien auoit faict sa grosse armee en italie pour retirer le pa
pe en frâce & de sapoiter la saintete & Vouloir faire pape mōdit
seigneur Le cardinal dāboise il ya plusieurs parolles tressaict
père aux quelles ne gist aucune responce fors que lon sen doit
tire tant sont estranges et exorbitantes de la raison esquelles
nul tant soit il hors du sens doit y adioster foy ne creāce tou
tes fois ledit seigneur comme Bray magnanime qui a a hor
reur et abhominacion non seulement le Vice mais lapparence
dicelluy et ce qui en approche Voulant le tistre heridal du roy
trescrestien acquis et gaigne par ses predecesseurs pour plusi
eurs bons et grandz seruices dignes de recommandacion faitz
au saint siege apostolique nestre pollui et macule de la moin
dre notte de suspicion que lon pourroit auoir ains en tous en
droitz le conseruer et garder pur & net/et desirāt de sa part par
emulacion de sesditz predecesseurs et par semblable seruice en
uers la saintete et cedit saint colliege icelluy nom de trescre
stien augmenter Da Voulu laisser ladicte fantasie captieuse
et controuuee inuencion sans y obuier et satisfaire et mōstrer
ledit tistre de roy trescrestien luy estre non seulement heredit
tal mais comme propre et peculier en ce adurant et attribuāt
tant par droit successif et heridal que par ses merites enuers

le saint siege apostolique le nom de roy trescrestien et premit
et filz de leglise et par effuict monstrant auoir non seulement
esgalle affection deuotion amour obeissance et foy que tous
ses predecesseurs Mais trop plus grande que nul d'eulx Et
affin quil ne semble que sans cause il la tribue ceste gloire et
louenge qui est la chose dont il a este requis qui fust pour le re
pos gloire honneur accroissement des seigneuries du saint sie
ge apostolique a quoy ledit comme bon filz et deuot a icelluy
ne se soit de son pouoir employe. Et au contraire ou est la mor
indre chose dont on le puisse noter dauoir Vaine de lamour foy
et affection. Et pour Venir au particulier appelle par toy tres
saint pere lay passe au secours de leglise pour recouurer et re
duyre en obeissance dicelle bologne que par ses predecesseurs
y auoit este donnee/en quelle promptitude et celerite combiz
en que le temps fust mauuais et mal conuenable il acomplist
la requeste il nest point besoing de le reciter car tu en es le iur
ge et tous messeigneurs les cardinaulx en peuent porter le
tesmonaige Lon dit que le roy des rommains se mist lors aus
si en son debuoir de bailler secours aux bolongnois et ia auoit
trois mille alemans atrante pres pour leur enuoyer quil fist
retirer quant il oyt et fut acertene de la Verite Si cestoit pour
le bien dudit saint siege apostolique ou pour ayder aux Veni
tinolles et a leurs complices comme de chose certaine et cons
gneue a Vng chachun/ledit seigneur le laisse a decider. Tout
ce nobstât tressaint pere ledit roy des rommains presche publi
quement par tout que ledit roy trescrestien ton filz ainsie la
Voulu trahyr et a mys embuche pour le prendre. Est il possi
ble tressaint pere que tu laves creu et quil soit tõe enton espe
rit et entendement ou de quelque homme que ce soit et feust il
aussi brutal et stolide que Vng elephant Ne te souuient il poit
tressaint pere que de tout le temps et mesmement auant ta
promotion ledit seigneur ta non seulement ayme mais eu en
singuliere reuerence et honneur. Et maintenant ql te recognoist
son pere tressaint et te reuere et adore comme Vicaire du sau
ueur de tout le monde et comme le chef de toute leglise catholi
que et comme tel il ta faict loeissance en se prosternant a tes
piedz et recongnoissant en toy la pierre Vaine mise au fonde
ment de leglise que par figure fust iadis reponee et reiectee

par les edificateurs du temple Mais toutesfoies par disposi-
cion diuine reservee pour conioindre les deux parties du tem-
ple. Est il ainsi doncques a croire que celui qui a plus desire
la sainte promocion et qui plus a fait de demonstracion de ioye
par tout son royaume apres quil en a este aduertty ayt voulu
Varier de son amour et affection et te Vouloir trahyr et pren-
dre par embuche Ladicte premiere amour tressainct pere nest
point euanoiee. Mais est creue et augmentee en affection en
foy pure et nette deuocion et obseruance filiale Et ne se trou-
uera que ta saintete laict requis de chose quil ait peu faite a
son honneur qui fust par le bien de ta dicte saintete des tiens
ou de leglise quil ne si soit par effect employe. Et la ou il a peu
congnoistre ton Vouloir Voluntairement il sest offert sans
estre requis comme roy trescrestien filz aine de leglise tresdes-
uot et affectionne a ta saintete. Et en tant que touche mon-
dit seigneur tresteuered Cardinal damboise que le dit roy des
rommains enuelope en sesdictes inuencions controuuees com-
bien que pour son honneur et descharge il en ait escript audie
saint colliege en se desuelopant aisement des retz et liens du
dit roy des rommains. Le nonobstant tressainct pere ledit roy
trescrestien ta bien voulu et audie saint colliege tesmognet
et pour Verite assenter mondit seigneur le cardinal damboise
estre pur et innocent desdictes controuuees inuencions. La Vie
duquel se monstre et est toute aultre que de Vouloir penser et
conceuoit chose si lasche meschante et sacrilege si grant et exe-
crable delict Lequel a tousiours eu les affaires et auctoritez
de ta saintete et du saint siege apostolique enuers ledit sei-
gneur et ailleurs trespasseur et en singuliere recommandacion
Et par experiance tu as peu congnoistre a ta promocion son
affection et seruitude quil a de puis continue et continue en tous
iours faisant et procurant ce quil congnoist estre a lhonneur
augmentacion et proffit de ta saintete et des tiens Mais le
dit roy des rommains pour bailler et donner quelque lustre et
couleur et pallier es saintes et controuuees inuencions Na
point eu de honte descrire quil estoit sollicitateur et procurant
tout ce que dessus Tressainct pere qui Vouldra bien regarder
et entendre aux raisons du roy des rommains toutes choses
bien considerees se monstre de plus en plus son inuencion fai-

tte et auoit este bastie et controuuee en sa maison attedue q ne
la pallie et ne la couure d'autres moyens pour monstrier que le
dit roy trescrestien ait eu Vouloit de paruenir audit empire dis
talie et a la deposicion et translacion du pape en france fors q
en la force et es gens de guerre que ledit seigneur auoit assem
blez en italie au moyen desquelz il Vouloit epecuter comme il
dit ce bel exploit neust este la peur de sa Venue en italie qui la
fait depoxter de son entreprinse. Est il possible tressainct pere
de dire ou penser quelque chose si malfondue et exorbitante de
la verite que le roy trescrestien ait eu ce Vouloit et que pour ce
ste cause ait assemble son armee et que pour la craicte de sa Ve
nue il laist rompue/il est assez notoire et euidant que pour la
nouuellete des Geneuois qui se estoient soubstraictz de son obes
issance ladicte armee cest assemblee et laquelle il a renuoyee
apres que lesditz Geneuois ont este subingues & reduitz & dng
temps auant quil en fust aucune mencion de bruit Voulat de
la dicte Venue dudit roy des rommains Graces a dieu ledit
roy des rommains na iusques aujourduy fait tant de choses
dignes de memoire soit pres ou loing quil ait donne audit sei
gneur grande occasion de le craindre et non seulemēt audit sei
gneur q au cōtraire luy a tousiours este en craicte mais au
autres pices q ne sōt a cōparer a luy ses faitz darmes & dail
ces ne sōt telz ql luy soit besoig se dater q pour la craicte de sa
Venue en italie ledit seigneur ait leisse a faire son entreprinse
& ait este cōtraint a rōpre & renuoyer son armee se ce nestoit que
ledit seigneur fust de la nature & qualite des petis enfans au
qlz leurs mere fōt peur de la Venue de loup ou louprou pour
les faire crōdre & les contraindre Venir a leur giron en oultre
si ledit seigneur auoit peur de sa Venue cōme il dist pourquoy
se fust il deffaict de son armee sachāt q ledit roy des rommains
se dātōit par tout Venir en italie comme son ennemy il deuoit
plustost en pouruoiant a ses affaires non seulement mainte
nir et garder ladicte armee mais laugmenter Parquoy est cer
tain que la cause seule qui auoit meu ledit de la dresser et met
tre sus icelle eppiree la contrainct de la rompre & renuoyer ses
gens darmes et non pas la crainte putrile ne les pouenta des
cheuieres La rebellion & nouuellete des Geneuois lauoit cō
straict a faire ladicte armee icenly dails & reduitz ql besoig
estoit il audit seigneur nourrir si grande assemblee de gens de

Guerre oyseuz Auz quelz cōme dit penephen en son liure quil
intitulz de lintitulacion du bon roy mieux Dault bailler tra
uail labeur et peine que laisser en oyseuete qui leur est tresper
niciense Et mesmemēt que ledit seigneur nauoit plus ou les
exploitier et mettre en besongne lequel congnoissant que ilz
pourroient faire des oppressions et violences a ses subiectz
aup quelz en pardonnant et remettant lossence auoit acquis
trop plus grant gloire et honneur que en les conquerant Voy
ant le lendemain au troiesime iour quil fust entre en la cite
de Genes quil auoit plus de travail et de peine pour la gar
der et conseruer de pillerie et les Geneuois doppression que il
nauoit eu a les combattre et mettre en son obeissance et sub
iection donna promptement conge a ses gens de guerre estrā
giers et extraordinaires par le partement desquelz se deliura
du pensement et sollicitude quil auoit pour la conseruacion de
ladicte cite et subiectz Qui est cestuy qui Vouldra dire q fust
lors question ne bruit aucun si non tel quil a este depuis deuy
ou trois ans de la Venue du roy des rommains Et qui demā
deroit qui a este doncques la cause qui a meu ledit roy trescre
stien a assembler si grosse armee Genes la fiere et superbe
qui se disoit iamais nauoir este domptee ne vaincue assez le
tesmoigne Le nestoit pas donc pour te degetter de ton seige &
si le roy trescrestien eust este de ce Vouldoit apres la bataille &
Victoire obtenue des Geneuois le roy des rommains ne leust
pas empesche / car son secours iusques icy na tousiours este si
prompt quil ait eu pouoir bien souuent daider et secourir les
siens estās au plus pres de luy a peine leust il peu faire pour
les estrangiers et loingtains par quoy cest temeremēt escript
que pour la crainte de sa Venue ledit seigneur ait laisse a exe
cuter ce quil ne pensa iamais de commencer Leclereste dit q
qui considere les Vens ne semera point / et qui regarde et con
tēple les nuees ne recueillera iamais Ledit seigneur ne sest
pas cy deuant gueres arreste a pourueoir a ses affaires soubz
Vmbre des Vens et nuees du bruit ordinaire de la Venue du
dit roy des rommains & soubz Vmbre des proles q a fait souuēt
semer les qilles ordinairement se sōt tournees en fumee & na pas
souuēt pleu de telles nuees q sōt biē differētes q la nue de fa
bins maximus q cōte recite tite liue Depa & traueilla hānibal

es alpes apprimes Aussi la morosité tardive et cunctation de l'un
et de l'autre sont bien différentes Car celle de fabius procedoit
de Vertus et par sa tardive sauua la chose publique de romme
Au regard de celle dudit roy des romains il est a craindre q̄ bien
souuent elle procede du principal nerf de la guerre q̄ le rend cū
ctateur tardif en ses affaires Et pource que le dit roy des romains
mais tressaict pere a escript q̄ le roy trescrestien auoit la Volē
te de te gecter hors de ton siege il desire sauoir dōc pcedre et Viēt
la source d̄ si legiere et soubdaine inuēcionz chāgemēt d̄ Vouloir
q̄ se soit Voulu armer cōtre ta saictete laquelle cause est surue
nue pour ce faire q̄ est la raison d̄ la haine et inimitie naguere
Bologne par le moyen dudit roy trescrestien ta este rendue en
icelle tu as este receu/tu l'en as par tes lettres naguere escri
tes mercie/las recogneu par icelles Bray guidon garde tuteur
et defenseur. Quelle chose nouuelle est depuis Venue qui ait
cōtraint ta saictete de salterer de lamour paternelle q̄lle auoit
audit roy trescrestien ou de sasiener et substraire de la deuocion
filiāle enuers ta saintete/que luy as tu demande/ et de quoy
ta il requis que Vouletairemēt tu ne l'ayes respectiuement ac
corde l'un a l'autre tellement que Vng chacun a peu Deoir et cō
gnoistre entre vous cōme entre pere et filz reciproque amour
et correspondant cōbat que plus s'efforceroit faire plaisir l'un a
l'autre. Parquoy doncq̄s puis quil ny a poit de cause et ou elle
y seroit toutesfoi s le dit seigneur ne Vouldroit pour la hayne
de son ennemy perdre son innocence Quelz songes et resueries
met en auāt le roy des romains pour chercher le roy trescrestien
en en faignant et controuuant ce q̄ oncques ne fut. Et certes
pour ce q̄ laffaire est si euidāt q̄ se mōstre de soy et ne requiere
grandz parolles iay peur q̄ ie ne soie trop arreste plus q̄ besoign
nestoit pour le Vouloir esclarcir Tant y a q̄ ie puis hardimēt
dire cōme il ny auoit point de cause de faire ce q̄ le roy des romains
a controuue aussi le dit roy trescrestien qui tousiours a
este de parfaicte integrité de Vie par et net de peche neust onc
ques le Vouloir ne partie sur luy q̄ tirast a Vouloir perpetrer et
cōmettre Vng si grant et expectable Vice. Ce nest poit tressaict
pere/ce nest pas la coustume des roys de france de Vouloir pe
petrer et cōmettre Vng crime si exorbitāt et inextimable Mais
au contraire ont tousiours acoustume et leur est pprie et pecu
lier recepuoir et nourrir en toute douceur et humanite et les

papes et cardinaulx bannis et exilles/ et iceulx restituer en
leurs sieges et maisons Et qui voudra sauoir qui sont ceulx
qui souuent les ont degettez assez est il aise a Voir et congnoi
stre par les croniques et hystoires anciennes Et pour confir
macion de ce il est assez notoire et nest besoing de reciter ce que
le roy charles huytiesme de bonne memoire en continuant et
gardant possession de ses predecesseurs fist au pape alixandre
sixiesme Lequel sachant quil auoit offence ledit seigneur et
festoit departy de son amytie/ou quil se congnoissoit parauen
ture autre qui ne deuoit deu lestat et dignite ou il estoit ou q
auoit beaucoup dennemys et ennueulx esquelz ne sosoit bon
nement fier se retira et senferma au chasteau de saint ange.
Et combien que selon les affections dun chacun differentes
oppinions se donnassent qui tendoient au preiudice et domai
ge dudit saint pere Que non obstant le roy tr crestien et de
bonnaire en adherant a leurs oppinios ne ayât regard a leurs
particulieres passions Vng ou deulx seulement de ces princis
paulx q estoiet pres a le tout de luy suyua son oppinion deli
ura le pape et lassura luy baisa les piedz et fist obedience filia
le et par apres le pape celebrant la messe en le recongnoissant
Vray Vicaire de dieu luy bailla de leue a lauer les mains Qui
est celuy tant soit il ennueulx et ennemy de la couronne de fra
nce qui sauroit monstret par les hystoires des papes quil y ait
eu Vng seul roy de france entache du crime que le roy des ro
mains a controuue et qui en la moindre chose quon pourroit
estimer fust decheu et se fust departy de la foy deuotion et obe
issance du saint siege apostolique ou que en si grant nombre
de papes quil y a depuis saint pierre q lun deulx ait este par
les roys de france oultrage et iniurie. Saint hierome dit que
tous les pays du monde ont preuarique la foy cristienne par
eulx receue soit par abnegacion dicelle ou par heresies et er
reurs quil ont receuz entretenus soustenus ou suyuis fors
que la france qui tousiours a este constante ferme et perma
nente en la foy par elle receue sans depuis la chager Varier ou
la maculer dheresies supersticions ne autrement/et tousiours
a continue non seulement enuers iesucrist. Mais aussi enuers
ses Vicaires et saint siege apostolique tellement que le petit
grain de la foy que leuangle par parabole compare au grain

de montarde qui est le plus petit d'être tous les autres grains
et semences Et ce nonobstant il croist si grant q les oyseaulx
du ciel y peuent faire leur nict/ainsi est il que le petit grain de
la foy au commencement seme en france est tellement augmē
te et fructifie quil est de present paruenue en Vng grant arbre
Vtile & profitable a toute la crestiente desoubz l'ombre du quel
les oyseaulx de leglise qui sont les saintz. peres/ par nettete
et integrite de vie et par la sublimite et excellence de science
Vollans entre les inhumains se sont tressouuent reposez et y
ont fait leur nict. Qui est celui tressaint pere d tous les pri
ces crestiens qui bailla aide et secours a leglise et saint siege
apostolique lors quelle estoit en affliction & persecucion soubz
gregoire troiziesme et adrian premier tes predecesseurs fust
ce pas le noble liz des papes estiennes segond & quart leon troi
ziesme Vrbain segond Gelaise segond innocēt segond et quart
alepandre troiziesme et plusieurs autres tes predecesseurs
quant ilz ont este persecutez et affligez par plusieurs et diuer
ses sedicions non seulement des estrangiers Mais de leurs
suzgetz/ou esse quilz ont quis et trouue leurs repos/ Soubz
le noble liz. Car lors ilz se sont tous retirez en france comme
au port de salut ou ilz ont este treshumainement receuz et res
gieusement traictez des bons roys trescrestiens. Je nay pas
de present assez de loisir et me seroit chose impossible aussi mon
raison tend a autre fin/ que de reciter et monstret par le me
nu tous les biens et profitz que le noble liz a fait au saint
siege apostolique Et aussi a la pure Verite a la maison en la
quelle est le bon Vin n'est besoing de y pendre le bouchon pour
enseigne et ne le fault point crier il se crie assez de soy mesmes
Ainsi est il du royaume de france donc les merites et biens
fais enuers le saint siege apostolique sont si Vulgaires et co
gneuz a Vng chacun q n'est besoing d le reciter. Toutefois ie
Vueil bien dire et maintenir que ce n'est pas le liz qui a acou
stume de se leuer et courrir sus a sa mere. Leglise ou a ses es
poux come dit le roy des romains /mais au contraire cest luy q
la paist & nourrist de son bon odeur et a ceste cause le saint espe
rit en parlāt es cātiques en la psonne de leglise q qroit & demandoit

bu estoit son espous / luy respond qd est et se nourrist et repaist
entre les lyz et esdictes cantiques le saint esperit en voulant
designer les tribulacions & psecutions de legglise quelle auoit
a souffrir & soustenir dit que non obstant icelles elle sera come
le lyz entre les espines qui le laisse pour les espines qui lenui
ronnent a croistre flourir & Venir a perfection ne pareillemēt
legglise en ses tribulacions qui est designee par le lyz pour la
grande cōnepite et perpetuelle Vnion qui tousiours a este de
legglise avec le lyz Lequel par sa purete et nettete est demoure
en sa blācheur sans iamais y auoir eu macule ne tache / mais
a tousiours fleuri enuers legglise & saict siege applique y auoir
immuable pseuerate foy & cōstante affection donc au moyen
de ce pour ses merites & pour les biens & benefices innueterables
qd a fait audit saict siege a gaigne et iustemēt merite le nō de
roy trescrestien estre dit et appelle le fiz ainsie de to^e les enfā
de legglise **D**: maintenāt ou est celui tant soit il psumptueux
et temere qui osera mettre la macule en la blancheur de lyz en
Voulant par parolles Venimeuses pestilantes et detractiues
estaindre et denigret la gloire et renommee quil a de si long
temps et par ses merites acquis & faire de cheoir et trebucher
le royaume de france de sa sublimitē & excellēce en luy impu
tant quil soit de pnt la chartre prison bānissēmēt de affection
des sains peres aux quelz toutesfoi a tousiours este & est mi
eulz q iamais le port en leurs naufrages repos & refuges en
leurs sedicions & tribulacions & inimitie en leur exelz & bānif
semens Qui est celui tant soit il pdigue de son hōneur gloire
et rendmēe oyant ce q dessus qui pourroit dissimuler sans en
faire demonstracion **A** la Verite tressaint pere et Vous mes
seignrs trespereurs les premieres iniures et libelles diffama
toires q le roy des rommains auoit contre Verite diuulguees
et semees en allemaigne du roy trescrestien luy estāt grefues
a supporter et endurer **T**outesfoi sa mageste se sentant pu
re et innocente desdictes imposez detractiōs et inuectiues par
Vraye magnanimitie aisement les auoit mises a non chaloir
et les contēnoit en reduisant la memoire le dit de octauien au
guste lequel a ceulz qui luy faisoient rapport et denoncoient
ceulz qui mesdisoient de luy / respondit il nous suffit que dieu
nous a fait la grace que les detracteurs & enuieux nont le po
uoir de nous greuer & faire dāmaig: Et iusques a ce qd a este

aduerty des autres nouuelles inuencions contre Verite cōtron
nees Lesquelles selles neussent este autres que les precedētes
ledit seigneur ne sen feust esmeu ne mis en peine de luy faire cest
hōneur de luy respōdre non plus q̄ aux premiers/mais pour ce
quelles touchoiet au precieus ioyau du noble l'yz en Boulant
iūs a la racine le p'tirper & l'attacher iūs a en faire la litiere
aux porceaux La grandeur aussi & pesanteur desdictz nouue
aux ipostz ont cōtrainte la cōstance magnanimite du roy tres
crestien dy respōdre leq̄l na peu souffrir ne endurer estaindre la
splendeur et gloire du nom du roy trescrestien acquis par ses p̄
decesseurs/et ne cest peu contenir quil ne recitast & obuiast a tel
les inuencions pcedās de malin & mauuais Vouloir de peur q̄
lon ne abusast de son silence et q̄ fil se taisoit q̄ lon ne cuidast q̄
ce fust cōse se sentant coupable et entachie desdictz impostz. Et
ne se fault esmerueilleir se le roy trescrestien les a prins a cuer
et y a voulu trespōdre/car ou tous autres Vices se pourtoient &
se peuent tollerer cestuy donc lacuse le roy des romains luy est &
seroit intollerable/car ce seroit de roy trescrestien estre repete &
deuenir turt païen et infidelle de tuteur et cōseruateur de legl̄
se persecuteur dicelle de donneur & bienfaicteur Usurpateur/de
filz aisne et legitime de leglise adultaire & illegitime Estoit il
donc tēps de se taire & permettre & souffrir se priuer et spolier
de ce precieus & excellent ioyau hereditai du nom de roy trescre
stien! Soyez assure tressaint pere q̄ lesdictes cōtrouuees inuē
ciōs ont touche au Vif & ont penetre iūs a au cuer du roy tres
crestien & l'ont cōtraint de parer & dire ce quil nauoit delibere/
Le roy certainement tressaint pere q̄ le roy trescrestien ton filz
aisne neut onc le Vouloir si mauuais ne adultaire de maligner
et te courre sus q̄ es son pere a la garde & ptection du quel il est
cōmis & depute & leq̄l non seulement il reuerse cōse son pere ains
cōse a celuy qui auant q̄l fust pere estoit son Bray & ancien amy
a tousiours desire luy faire plaisir/le garder & maintenir Tu
peulx estre seur tressaint pere q̄ le iour q̄ tu orras dire q̄ le roy
trescrestien naura plus de deuocion de foy & damour a ta sainte
te & au saint colleege q̄ ce sera le dernier iour de sa Vie/car lors
q̄l desisterra & de laissera de te aymer hōnorer et reuerer il perdra
la Vie & sera lors q̄ dieu fera son cōmādemēt de luy/car la mort
terminera en Vng mesme iour & sa Vie & l'affection deuocion et
amour a ta saintete. Et pour sommairement et par maniere de
epilogue recueillir ce que denant a estedit tu Voys euidāment
B i

treffainct pere les Benigneuses fainctes & cōtrouuees inuēciōs
q̄ seulesmēt pcedoiēt dune forme Discerāble & inuētere fondees
sur la glace dune nuyt estre auerees esclarcies & ogneues/car il
est certain & notoire a Vng chascun q̄ le roy na poit assemble
son armee pour son plaisir ne pour la cause gtrouuee p ledit roy
des rōmains/mais pour la rebellion des Geneuois q̄ a ce lōnt cō
traint/ & iceulx p la grace de dieu reduitz en son obeissance lōy
a cōgneu la dissolucion de ladicte armee et q̄ ledit seignr a dōne
cōge au p estrāgiers suisses & autes gens assemblez pour ladicte
cause En oultre il appert clerehnt q̄ luy auoit entre ta saintete
et le roy aucune malueillance ou inimitie & na encore de present/
mais au cōtraire il ta fait lors plusieurs seruices et plaisirs et
toy pareillehnt a luy Parquoy il n'ya poit d'aparēce cause ne tai
son q̄ ait eu le Vouloir nō seulesmēt de epecuter/mais de pēser
et conceuoir Vng si exccerāble & abhominable crime & delit Tu
as pareillehnt ouy q̄ le noble l'yz a este de cruaulte estrange p
luy non acoustume accuse toy amy aussi de homicide et de toy
filz de parricide/mais par q̄ accuse p celui q̄ ne feist oncq̄s au
tre mestier/ & luy presq̄ naturel pour l'aciēne et entracinee hayne
q̄ a cōtre le roy trescrestien de mal dire de luy & cōtrouuer choses
faintes & nō Veritables C'est dōcques p celui q̄ ne peult antre
mēt puenir a ses fins & faire ce q̄ a entrepris sil ne met & nour
rit diuision & suspicion entre toy et le roy trescrestien ton filz.
Et pour paruenir a la fin & cōclusion de la fable & chose cōtrou
uee p le roy des rōmains il me souuiēt dune autre fable q̄ recite
esope des loups q̄ faingnoient Vouloir auoir & faire paiz avec
les bēdis pourueu q̄ en ce faisant les chiēs q̄ les gardoiēt fus
sent dechasses aussi a fait le roy des rōmains quāt en escriptuāt
a ta saintete et au saint colliege il a cōtrouue lesdictes inuē
ciōs pour mettre suspicion & diuision entre ta saintete & le Viel
et leal chien de leglise le roy trescrestien cōnu & depute de tout
tēp a la garde & deffence dicelle Esperāt ledit roy des rōmains
plus facilehnt p apres Venir a ses fins donc sera cy apres par
le Parquoy treffainct pere le roy trescrestien p affection Discer
āble & parfaite admoneste & prie ta saintete & le saint colliege
quelle Vieille pēser Balancer tout ce q̄ dessus a este dit & p Bray
& bon discours de raison iuger a quelle fin tend & Veult puenir
ledit roy des rōmains Et lors pourra facilehnt iuger le roy
trescrestien non seulesmēt estre pur & innocent desdictz crimes a
luy imposez/mais aussi q̄ n'ya cause ne raison de suspicion a luy

estre de luy et que tout ce q le roy des romains a escript fait et
cōtrouue de luy ne pcede q par suphabōdāce et excessiue hayne
et enuie qd a cōceu esperant p ce contēpner la blācheur du no-
ble l'yz et de tout point exterminer l'integrite inuiolable de l'ep-
cellent et gracieux iardin de frāce. Il reste de present tressaict
pere q son te dōne euidēment a congnoistre la Venue du roy des
romains en italie estre et tendre a autre fin q pour te garder et
deffendre aussi le saint colleege de la Violēce du roy trescrestiē
qui en te destituāt et deposant de ton siege auoir Vouloit de tras-
later la papasite en france cōe il a escript et cōtrouue il couure et
conlore sa Venue en italie de tresmaunaise et petite couuetture
bon besoing a este que legglise ait eu et ait de pūt autres gardes
deffenseurs et ptecteurs q luy Tu seras bien garde et tes affai-
res ne se pourront q bien porter et ceulx du saint siege aposto-
lique aussi q mieulx Valoit silz se Gardēt de luy mesmes de te
faire oppression et Violēce Il Vaudroit beaucoup mieulx estre
seul et nauoir point de gardes q den auoir de telz ausquelz feust
besoing baillet autres gardes Le nest pas tressainct pere et Vo-
messeignirs tresteuerāds q estes les fermes pilliers et colūnes
de legglise Vninersele garder et deffendre legglise q de demāder
et quereller les terres et seigneuries a elle appartenās les Vou-
loit a soy appliquer q est la fin a quoy tend ledit roy des romains
disant rōme la rōmaine la marque dauerne et autres terres et
seigneuries luy cōpeter et appartenir Le sont choses Veritables
non cōtrouuees quil ne pourroit desauouer quil ne lait dit souz
uent a plusieurs bons et grans personnages dignes de foy tant
ambassadeurs que autres Esse doncques garder et deffendre le
gglise mettre en question et cōtrouerse et Vouloit a soy appliquer
les terres de legglise et la Voulu rendre selon la primitive egglise
mendiant auec le baston et la besace. Et pour plus amplement
confermer ce que dessus et declarer son deuot et sain Vouloit
quil dit auoir a ta saintete et au saint colleege apostoliq a na-
gueres par son ambassadent le baillif de charoloys enuoye au
moy de mars dernier passe deners le roy trescrestiē a l'yon fait
porter parolles audit seigneur touchant nostre saint pere et le
saint colleege en disant quilz nestoient en terre que pour repre-
senter sa maieste imperiale. Et pource que les parolles estois-
ent estranges Vng chascun des assistans extima que elies
ne procedoient du Vouloit et sceu dudit roy des romains

et exenfoiēt ledit baillif pource quil est hōme lay cuidāt qui les
eust dictes sās y pēser & non cōgnoissāt & entēdāt ce q̄l disoit Le
non obstāt il les repeta de rechef & par plusieurs foyes en adion
stāt q̄ les auoit dictes & disoit du Vouloir & seu de son maistre le
roy des rōmains du q̄l il auoit instructiōs expressees quant a ce
q̄l exiba et mōstra. Quoy Voia t & oyāt trestreuerēd pere en dieu
mōsieur le cardinal dāboise legat en frāce q̄ est d̄ feruēt et religi
eux. Vouloir enuers dieu ne se peult cōtenir q̄l ne se courouast
de couroup saict & louable disant audit ambassadeur q̄ cestoit p̄
sūptuesemēt & fieremēt p̄le & q̄ le Vouldroit par obstinacion en
y persistāt soubstenir ce seroit manifeste heresie q̄ son ne deuroit
poit tolerer. Car ta saintete tressaict pere & le saict colliege rep̄
sentēt leglise triūphāte & la maieſte diuine de la q̄lle tu es Vray
& seul Vicaire. Et non par la maieſte imperiale. Le non obstant
ledit ambassadeur ne laissa a cōtinuer & persister en son dire a ce
estoiēt p̄sens messeigneurs trestreuerēds cardinaux de Baienx
& de final ambassadeurs du roy catholique et plusieurs aultres
p̄atz & nobles de toutes sortes q̄ de ce peuēt porter tesmōnaige
ie te prie tressaict pere & Vo^r messeigneurs trestreuerēds conside
res & regardez q̄lle cōclusion prēdroit Vng bon dialetiq̄ desdēns
p̄misses deuāt dictes La p̄miere q̄ les terres & seigneuries de le
glise appartenēs au roy des rōmains La secōde q̄ ta saintete et
le saict colliege ne sōt en terre q̄ pour rēp̄senter la maieſte impe
riale/q̄ sensuit il necessairemēt dicelles p̄misses/len cōcluta par
icelles q̄ cōbien q̄ tu soyes le pere et le souuerain de tous les cre
sties. Le non obstant par humilité tu tappelles le serf des serfs
en Voulat par ce imiter & suiure nostre sauſueur & redēpteur/le
q̄l estāt en forme diuine cest humilie & abaisse iusq̄s aprēdre for
me seruite Veritablemēt & pour certain tu seras cy apres Vray
serf non cōme deuāt serf des serfs/ Cest a dire le moindre des cre
sties par humilité mais tu seras le serf & subget de lēpereur par
necessite/et a la Verite q̄sse q̄ rēp̄sente la maieſte imperiale esse
pas estre Vicaire et tenir le lieu de lēpereur. En oultre celluy q̄
est Vicaire est il pas subget & seruiteurs de celuy soubz ladueu et
auctorite duq̄l il administre. Darquoy don cōsie diray de rechef
& diray Vray tressainct pere q̄ par lesdictes deux p̄misses en con
clus en Vray fillogisme que tu es serf & seruiteur de lēpereur
Qui est celuy tressainct pere ayant le cuer net zelant lhonneur
de la religion diuine qui puisse endurer et que le Vicaire de dieu

Viuant & immortel represente & soit Vicaire de l'homme mortel
Nous lisons en leuangelille que lors que nostre seigneur dist a ses
disciples que qui n'auoit point de couteau il falloit vendre sa to-
be & son manteau pour en acheter Les disciples respondirent qu'ils
en auoient deux et lors il leur dist qu'il estoit assez. Voulant par ce
innuer & signifier que l'Eglise auoit les deux gtaines temporelles &
spirituelles ie te demande tressaint pere du quel des deux represen-
te tu la maieste imperialle. Je ne puis aisement croire que le
roy des rommains tumbast en telle presumption quil Voulust
ne osast maintenir que tu representes sa maieste iperialle au moye
et pour raiso du glaine spirituel de l'Eglise. Veu que est escript que
tu es mis et constitue de par dieu sur les Viuans sur les roys et
royaulmes pour par ledit glaine spirituel arracher destruire et
extirper edifier et planter. Ce seroit autrement a subinguer le
glise et la mettre en captiuite et seruitude des homes. Laquel-
le a este toutesfois chèrement rachetee par le precieus & salutai-
re pris le corps du sauueur et redempteur de tout le monde. Et
comme si les brebis menoient leur pasteur paistre ce seroit per-
uertir toute orde nature. Ainsi seroit il si ta saintete ple gais-
ue spirituel representoit la maieste iperialle / car par toute rais-
on naturelle diuine et humaine il est necessaire que le pasteur
et celui qui nourrist precede et soit plus grant que celui qui est
receu et nourry. Parquoy si le roy des rommains ne se Voulloit
exempter du nombre des brebis de dieu qui par luy furent com-
mises & baillies a saint pierre et a ses successeurs en luy disant
pierre repaist mes ouailles il est necessaire quil se humilie & soit
moindre que toy qui es le Vicaire de celui qui est le roy des roys.
Ce n'estoit quil se Voulust attribuer quelle diuinite comme firent
tels aucuns des premiers empereurs des quelz recite Suvone
et autres qui se disoient et faisoient aouter comme dieux. Parque
par ce moyen il dist que tu representasses sa maieste imperialle.
Et pour ce que ie parle en la presence de ceulx qui peuent discer-
ner sceuent et entendent tous les loys constitucions diuines et
humaines ie ne tyretay point plus auant et ne insisteray point
comme a chose superflue pour Voulloit confuter ce qui est eui-
dent et notoire de peur quil ne semblast que ie Voulusse porter
comme len disoit en commun prouerbe grec les cheuesches a a-
thenes. Toutefois ie diray par permissio ce que sen suit que le
B. iii

compaignon comme lon dit communement et a la Verite il est
ainsi na point de puissance ne dauctorite de commander a son com-
paignon et a son semblable quel pouoir ne auctorite doncques
aura le Vicaire sur celui qui se fait Vicaire et soubz et au nom
du quel il exerce son Vicaire il est certain quil ny en a point
la raison non plus que le seruiteur sur son maistre Parquoy donc-
ques tressainct pere si tu representois en Vsañt du pouoir de tō
glaiue spirituel le maïeste imperiale de quel auctorite ou puissā-
ce anastase second ton predecesseur auroit il peu excommunier
anastase lempereur Gregoire troisieme pape priuer leon empe-
reur troisieme de ce nom de son empire et de la communion des
crestiens Gregoire siziesme par deuy fois anathematizer hen-
ri le pereur en le spoliand et destituant de son empire il nest poit
besoing de reciter et mettre en auant ce que alexandre troisiem-
me honore troisieme Gregoire neuuiesme et innocent quart pa-
pes tes predecesseurs firent a lencontre des empereurs federicz
lesquelz ilz priuerent de leurs empires et dechasserent de la com-
munion de legglise catholique il est certain quilz firent non com-
me representans la maïeste humaine et la personne imperiale
mais la maïeste diuine de celui qui peult les viuans mettre a
mort et perdicion et iceulx par apres ressusciter et faire viure
qui peult frapper et donner la playe mortelle et icelle incontē-
nent restituer et mettre a guerison En oultre tressainct pere
ya il pas plusieurs crestiens comme france espaigne anglater-
re et autres qui te reuerent et honnoient comme Vicaire de dieu
et se prosternent par humilite a tes piedz en signe dobeissance
et subiection/lesquelz touteffois nont rien commun ne a demes-
ler avec lempereur et ne le recognoissent point a seigneur/ mais
ne tiennent riens de luy. Et peulz estre assure tressainct pere
quilz ne te ferōt ladicte obeissance se tu representois sa maïeste
imperiale ia dieu ne plaise tressainct pere que la grandeur et la
plitude de ta puissance la subimite aussi et haultesse de ta di-
gnite soit tant raualee et amoindrie que tu representes la ma-
ïeste de lempereur humain et non pas de celui qui dit que tous
les cieulx la terre et toutes choses crees sont a luy et luy appar-

Henri Barquoy tressainct pere puis que le roy des rommains
dit que tu representes sa maieste imperialle et que il est euident
et notoire que ce n'est pas par ton glaiue spirituel il reste donc
ques et est necessaire que ce soit par le glaiue temporel / et que
tu sois comme son Vicaire temporel representant sa maieste im
perialle Et pource que tu pourrois auoir oublie ce que ie rap
dit ie te prie come bon ratiocinateur logicien ou dialecticien res
duis a memoire les deux pmisses deuant dictes et dicelles fais
la conclusion qui sensuit. La premiere premisse estoit que les ter
res seigneuries que legglise possede et tient de present, sont et ap
partienent au roy des rommains. La seconde que ta saintete
et le saint coliege representent en terre sa maieste imperialle
Iay crainte et horreur merueilleuse de conclure et dire ce qui sen
suis desdictes pmisses il est a doubter que la Venue du roy des
rommains en italie nen fait la conclusion et demonstracion /
Mais auant que mon oraison tressainct pere passe oultre et ti
re ailleurs il me souuient d'ung commun prouerbe que i'auoy
par oubliance laisse derriere et ne men souuenoit que ie Vueil
touteffois reciter et dire. C'est assauoir que Vng chascun mesur
te et iuge les affections et voulentes d'autrui par les siennes
propres et tellement que sil est transporte par fureur ou extra
ordinaire passion a quelque chose il luy semble que tous les au
tres le soient comme luy Quant le roy des rommains tressainct
pere ta escript que le roy trescrestien nauoit pour autre raison
assemble ses gens d'armes et fait son armee que pour a tort et
sans cause te courir sus et te opprimer pour toute confirmation
de faine et controuuee inuencion na mis autre chose en auant
fors quil disoit que ledit roy trescrestien en auoit le Vouloit ql
eust euecque de la puissance quil auoit lors neust este le peur
quil a eu de sa Venue en italie Et combien que ie aye au para
uant asses respondu a la maisgre et puerille fiction touteffois
tressainct pere ie demaderoye Voulentiers au roy des rommains qle
coniecture apparete ou demonstracion a il pour ognoistre iuger q
le roy trescrestien ait eu le Vouloit si mauuais et tel cde il a escript
il est certain q nul homme viuât tât soit il cler voyât et scauât et

non seulement les hommes mais les esperitz dyaboliques Et que
par creacion & loque experiance et cōgnoistre excellēt et les preces
dēt ne peuvent puenir a cōgnoistre le Vouloir et la pēsee interiore
de l'homme/dieu seul y penetre cōme en sa creature par Vraye et en
tiere cōgnoissance il n'est pas creable que ledit roy des romains
Voulust dire que dieu luy ait dit et reuele telle fiction et cōtrou
uee inuēcion attendu qu'il est escript que en la parolle de dieu cō
me estat Veritable ne se trouua oncques mēterie Car il est non
seulement la Vraye Verite Mais est par excellence p dessus tou
te Verite il reste dōcques de deux choses l'une/ou que quelque es
perit familier ou dyabolique le luy ait reuele qui n'est pas a pres
sumer et doit estre loig d'un roy catholique craignāt et ayman
dieu ou qu'il ait fait iugemēt et ayt psume de la Voultē et affe
ction du roy trescrestien par sa propre naturelle et intriseque af
fection et Voultē Et en ce faisāt tressainct pere le roy des rom
ains qui en ensuit ledit prouerbe cōmun iuge des meurs cōdici
ons et Vouloir d'autrui par les siennes te fait assauoir sa Voultē
te et te dōne a cōgnoistre et a chacun que si l'eust eu le pouoir et
autres choses necessaires pour epecuter le crime epectable quil
a controuue et dōt il a accuse le roy trescrestien attendu quil na
cause ne raison dailleurs pour mesurer & iuger la Voultē dudit
roy trescrestien q p la siēne propre que facillemēt il eust mys la
main a la paste pour epecuter ce quil a faict & cōtrouue d'autrui
Et pour cōfirmacion de ce se trouent souuēt plusieurs gens tref
saict pere Lesqz apres qlz ont cōceu & delibere Vouloir ppetrer
& cōmettre aucun crime & delict auāt q de lepecuter et pour mon
strer ql uy pēseroit iamais ne nen Vouldroit pēsē pour pfaicte
et cōtrouuee accusacion courir et puenir a leurs fins blasment
& accusent autrui de ce quilz desirent et ont Vouloir eulx mes
mes depecuter Parquoy tressainct pere et vous messeigneurs
les tresteneuents attendu que par ce quil a este par cy deuāt dit
il appert euidentement que la Voultē du roy trescrestien est
aussi loig de ce que le roy des romains a fait et controuue de
luy cōme la lumiere est differentes des tenebres que ta il voulu
faire assauoir et signifiet par ce quil ta escript sinon que par le
courage quil maintenoit estre au roy trescrestien et publier & de
clarer le bon Vouloir quil a enuers toy & te manifester sa Venue
en italie estre au preiudice dōmaige et a la ruyne de ta saintete

et de leglise. Toutefois tu ne ten dois pourtant esbahir car si
le roy des rommains presume Vouloit perpetrer le peccable cri-
me delict il a Voulu accuser ton filz le roy trescrestien & sil seffor-
ce de opprimer et faire Violence a leglise sa mere en luy ostant
de son col ses atours chaines et ioyaulx en la Voulant spolier &
priver de ses terres et seigneuries tu peulx estre assure que le
roy trescrestien ton filz ne te fauldra & ne habandonnera iamais
sa mere leglise ne le saint siege apostolique desquelz il est natu-
rel propre et comme garde et deffenseur. Treissaint pere et Vo-
messeigneurs tresreuerends en Voulant soner a la retraicte a fai-
re fin a mon oraison il est assez et trop plus que notoire a Ung
chacun quil ny a rien au deuant et a la teste du scorpion quil soit
a craindre / mais au derriere et a la queue de laquelle il porte et
gette son Venin. Le roy des rommains par ses fainctes et con-
trouuees inuencions fait grant lencee de bouclier et soffice par to-
moyens te mettre en subiection crainte de ton filz le roy tresces-
tlien Lequel tu dois aussi peu craindre que le deuant et la teste
du scorpion qui a son regard en france dont ne te vient point de
mal mais le derriere et la queue dont procede la pointure Veni-
meuse et mortelle a son regard en septentrion. Quel mal te peult
de ce quartier Venir dieu le congnoist qui par sa grace ten Vueil
le preseruer et Garder il nestoit point de besoyn que le roy des ro-
mains cōtrouuast celles inuencions pour donner lustre et cou-
uerture a sa Venue en italie quil semble de prime face et par ap-
parence exterieure estre au bien de ta saintete et de leglise com-
bien que les parolles ql a dictes aux ambassadeurs du roy tres-
crestien et celles qui naguieres son ambassadeur luy a portees
demonstrent et font apparoir du contraire. Et que la queue du
scorpion tire ailleurs et semble que comme lon a acoustume de
dire de ceulx dont leffect est autre que les parolles et lesquelz
soubz Vmbre du bien font du mal que le roy des rommains de
present monstre en Vne main du pain. Mais se tu regardes en
lautre tu y trouueras la pierre Qui vault autant a dire que cō-
bien quil tait escript et donne telles parolles que sa Venue en
italie nestoit que pour te seruoir et Garder et pour le bien de gli-
se dōne toy garde du derriere et de la queue du scorpion car quāt
il sera tu trouueras lors en lautre main en lieu du pain quil ta
monstre Vne pierre qui te sera dure a porter et difficile a digerer.

Le cas le touche tu es saige prudent et cler attumer Ung feu inestimable lors ne sera il pas tps de y pouruoit quant tu enseras enuytronne et que les dangiers seront percreuz et augmentez ausquelz pour neant Vouldras remedier Ce que le roy trescrestien en ton filz te fait presentement signifier par ses ambassadeurs ce nest que pour soy acquiter de la foy et amour qd a enuers toy a quoy tu ne te dois endormir tressainct pere mais come le chasseur suyt le Viel et saige chien quant il abaye ainsi tu dois regarder et considerer que le Viel chien de legglise commis a la garde dicelle Le roy trescrestien te fait dire et remonstret Et prens ce que lon te dit comme chose certaine et comme celle estoit dicte par prophetie ou reuelacion Tu nas pas encores experiente de quel effect et yssue sont les controuuees inuencions du roy des rommains et ne sces la ou elles tirent et tendent Ne pense point que sa Venue en italie soit telle comme il fault et comme celle des autres qui y sont par cy deuant Venuz Il desire et Veult paruenir a autre plus grant chose quil ne te monstre et pour ce fait te il nest riens quil ne te promette Tu es saige et ne adiousteras point foy a ses douces parolles et te souuienne que le Vermin adoulcist et amielles se prent plus aisement et en plus Grans de habondance. Et combien que au goust il soit plus plaisant a prendre pour la grant douceur et en emmielleuse qui est meslee/apres toutesfois quil est entre en lestomac il penetre inconstantin iusques au cueur et par toutes les Vaines du corps ou il fait son operacion dont la mort sen ensuyt Tressainct pere tu sces assez que lon dit communement que les choses qui sont passees sont les Vrays et seurs conseilliers des choses qui sont aduenir et conseillent sans affection Tu es prudent et saige et scauras tresbien peser iuger et ballansset par ce qui est passe ce qui te peult aduenir en mettât tonsiours deuant tes yeulx les maux et Depacions que tes predecesseurs ont autrefois et souuent endure. Les causes pour quoy et par qui les remedes et secours quilz ont eu et par qui Et lors pourras plus facilement pouruoit a tes affaires pour le temps aduenir Tu Voies doncques et congnois euidentement que les controuuees inuencions du roy des rommains nont point dapparence ne de substance et sen vont en fumee et que autre cause et raison le maine et tire

en italie que celle quil a faincte et controuuee Et quelque chose
se quil ayt voulu par ses captieuses et autres inuencions dire
du roy trescrestien Il y a aussi peu dapparence comme qui voul
droit arguer et accuser hercules de cōhardise et laschete. Ce que
nous esperons dabondant plus clerement te mōstrer sil te plaist
ouyr et entendre ce que le roy trescrestien a faict en italie durāt
le temps quil y a este. Nous tauons dit et la Verite est telle que
les geneuois reduitz en lobeissance du roy trescrestien il a incont
inent rompu et renuoye ses gens darmes qui faict assez a entē
dre et donner a congnoistre quil ne les auoit assemblez ne mys
sus son armee que pour la dicte cause il te plaira tressainct pere
ouyr ce que de puis est aduenu et ce que le roy a faict en italie a
ce que de plus en plus tu puisse iuger de lintencion et Boulente
du roy trescrestien lequel lesoitz geneuois vaincus a par trois
moyz entiers este tant en sa Ville et cite de genes que en la dus
che de milan tant en pouruoiant et donnant ordre a ses affaires
que aussi pour dire la Verite en se recreant et prenant son plaisir
en Ioustes tournoys banquetz et ailleurs qui nest pas signe
dhomme ayant le Vouloir a faire nouuelletes ne le cūent a ce
faire la guerre. Et quil soit Vray apres la Victoire quil pleult
a dieu luy donner a lencontre desditz geneuois il tenuoya incont
inent comme a son pere son ambassadeur pour te communiquer
et te aduertir comme son a acoustume faire a ses grans et meil
leurs amys de ladite Victoire ei prosperite Et de ce ta saintete
se monstra estre tresioyeuse et Boulant de sa part par effaict
monstrer lamour et affection paternelle nestre moindre enuers
luy ennuoya monseigneur le cardinal de sainte prapede lun des
premiers et plus anciens de ce saint colliege legat deuers ledit
seigneur pour entre autres choses le congratuler de Vindict
Victoire et prosperite ie suis tresioyeux quil soit icy p̄sent pour
estre tesmoing de ce que ie diray il est a toy tu las enuoye tu ad
iousteras foy ad ce quil te dira/ie te prie demande luy en quel pō
pe et honneur pour la reuerence et deuocion que le roy trescresti
en a ta saintete et a ce saint colliege il a este receu p sa maieste
q̄l te disse les donces & ioyeuses parolles plaines damour et de
beniuolēce a ta saintete q̄ ledit seigneur luy a dictes d̄ toy endeu
sāt & plant des affaires dōt il auoit charge ie te prie interroguer

le bien diligemēt de quel estomac cueur affection amour foy
et deuotion il a congneu sa maïeste enuers ta saintete Et spe
cialement noublie pas a scauoir de luy si la trouue ou apperceu
la moindre stincelle et apparence de ce q̄ le roy des romains ta es
cript et rapporte de luy il est saige prudent et tres experimēte en
telles choses et nest poit pour se laisser paistre de parolles et pas
ser la plume par le bec quil te recite et raporte entierement ce q̄
a Dieu et congneu En oultre quant les deux roys trescrestien
catholique p̄ entiete et p̄faicte amour et Vouloir se sont trouuez
et Venz a Sauone il a este appelle a leurs principauls et plus
secretz conseilz esquelz en quel honneur et sanctimoine on a ple
de ta saintete et en quelle affection enuers icel e il les a trouuez
to⁹ deux ie me deportte de le dire de luy le pourras tu scauoir in
terrogue len sur ce diligēment Le roy trescrestien doncques de
puis son entree en italie iusq̄s au partir de Sauone se trouue
pur et net et ne scautoit lon aucune chose luy imputer qui est celuy
tant soit il peruers et demaunais Vouloir qui le puisse p̄ quelq̄
indice ou apparēce que ce soit note quil se soit change ou ait va
rie le Vouloir et affection enuers ta saintete Quelle cause ne
raison doncques ya il quil tait Voulu deggecter de ton tressainct
siege cōme le roy des romains a Voulu dire et la accuser ie ne te
parle tressainct pere q̄ du tēps seulemēt que le roy trescrestien
este en italie du quel laccuse le roy des romains car si Vouloit
dire q̄ au parauant que ledit roy trescrestien passast les mōs il
estoit en pareil Vouloir a lencontre de toy et tel cōme depuis il
afaint et controuue quāt il ta escript quil te Vouloit depposer et
ggeter de ton siege tes briefz qui briefz que de boullōgne tu luy
escripuis et les quelz il garde en son tresor assez tesmoingnent
le cōtraire et testifiēt euidentement quelle foy amour et beniuolē
ce tu auois lors a sa maïeste Parquoy ie tay seulemēt ple et des
chrisse p̄ le menu le temps quil a este en italie et ce quil y a fait
Et pour continuer le roy trescrestien partant de sauoye et Vou
lant sen retourner en france aduertit que le roy des romains
auoit seme au iardin de france les espines pour cuidoier estrain
dre et faire perir la gloire et fleur du noble lyz combien quil
ne se deffiait point de la prudence et constance de ta saintete et
du saint colliege bien sachant que les Diez chesnes ne se esbrā
lent pas facilement par les Vents et feussent ilz boreaux ou

Equilibratoires et tresumptueux Contessois la Voulu enuoyer
les ambassadeurs pour te tesmognier ce q̄ tauds dict & dir̄s cy
apres Diene maitenāt & sorte en place marchande le roy des r̄s
mais linuētent & aucteur desditz crimes & impostz en disant q̄
Deult Venir en italie pour deffendre ta saictete & te garder & le
saict colliege de l'oppression & iniure du roy trescrestien Qui est
celuy q̄ en soyāt se pourra tenir de rire cōgnoissāt ce q̄ dessus et
ce q̄ no^d auds dit q̄ ne se mocq̄ de telz offres impudētes temerai
res & sans ppos & q̄ ne disse q̄ celui qui se Vēte de te Vouloit def
fēdre cōtre le roy trescrestien quil ne te face opp̄sion & iniure est
bien a deloisir q̄ ne entreprēt pas charge qui luy soit dāgerense
ne difficile a executer pour autāt qui poit & apartie ledit roy tres
crestien qui est luy mesmes cōmis a te garder & p̄tection & qui a
tousiours mis & met encores de p̄sent to^s ses efforts pour obuier
& resister aux entreprises de ceulx qui de lōg tēpsont p̄secute to^s
te s̄ p̄decesseurs & q̄ soubz ombre d̄ le deffēdre ne q̄rēt q̄ moyen
& occasion de faire le semblable Qui est celui q̄ se gardera d̄ r̄ire
de Deoir le filz accuser de parricide par celui qui est son ennemy
mortel & qui gueres ou poit nayme le pere aīe luy est tressuspect
Est il p̄^r grāde mocq̄rie q̄ de Deoir entre le pere & le filz mutuel
le & correspōdēte amour & ce n̄obstāt q̄ le filz soit accuse par au
truy enuers son pere de crime dōt il ne se plaint ne na occasion d̄
se plaīdre & leq̄ cōgnoist le cōtraire estre Verite Et q̄ pis est accu
se par celui qui pour cuidet faire son p̄ffit p̄ticulier ne fait au
tre chose iour & nuyt q̄ songer & p̄ser cōme il pourra mettre q̄lq̄
diuision & discord entre le pere & le filz sachāt quil ne peult autre
mēt puenir a ses fins Et si danētūre il soffre Volūtairement s̄s
estre requis a Vouloit secourir le pere en luy faisant a croire que
son filz luy Deult courir sus ou lon cōgnoist toutesfois euidam
mēt q̄ entre le pere le filz n̄ya autre cōbat qui sefforcera faire p̄^r
de plaisir l'un a lautre qui est celui qui ne iuge ledit secours estre
suspect et p̄ceder de mal engin & non sans cause Car le commun
p̄uerbe dit q̄ la marchādisē q̄ quiert & Va audenāt de lacheteur
est suspecte & est a p̄sumer q̄lle ne Vault gueres En Voulat tres
sainct pere Venir a la cōclusion et fin de mon oraison il me Viēt
a memoire le p̄uerbe de Lisander de lacedemone qui estoit que
ou la peau du lyon ne pouoit paruenir quil y failloit adiouster
et coufōre la peau du regnard qui Vault autāt a dire que ou par
la force lon ne peult il fault par arcasture et malice assaier a par

uenir a ses fins le roy des romains la Voulu ensuyure leq^l Roy
ant par plusieurs annees q^a sa force & guerre ouuerte ne luy auoit
de guerres p^osite maïtenāt par captieuses & Vulpines fictiones
cest efforce & essaie ordit Vne toille en laq^{lle} il a cuide enueloper
le roy trescrestien Et en cōsiderāt les lettres quil ta escriptes
luy il me souniēt de ce q^a recite daniel le p^{ro}phete de la quatrieme
veste q^l Veit en Vision & reuelacion laq^{lle} estoit p^{ro} espouētable
q^a les trois p^{re}cedēres quil auoit Deues et laq^{lle} auoit les d^{es} de
fer qui froissoit & mettoit en pieces tous les royaumes Tout
aïsi le roy des romais a fainct & figure par sesdictes lettres q^l
ta escriptes Vng mōstre & Vne chimere ayāt deuy cornes dōt de
lune dicelle il assaillōit lepire ditalie de lautre le pape laq^{lle} chi
mere cōfōdoit tout droit diuin naturel & humain le diuinen Vou
lāt a soy appliquer ce q^a est a dieu et a leglise le naturel Doulant
courir sus et guerroyer son pere humain en Vsurpāt ce q^a estoit d
ses voisins & estrāgiens Et toutesfois en ce faisāt ne se pouoit
saouller ceste chimere & mōstre le roy des romais auoit habil
lee dabillemēs royaux de frāce portās la fleur de lyz Toutes
fois tressaïct pere quāt no^s ands de pres regarde ladicte chimere
& q^a luy ands oste la couuerture & ses habillemēs faictz & emprū
tez & q^a lānds reduite a son naturel no^s ands trouue le roy des rō
mais estre en embuche & cache soubz iceulx & ands mōstre cōme
il sefforçoit et se cuidoit trāsformer et trāsfigurer p^{ar} habillemēs
Car son naturel est innumerable En se cuidāt mōstrer sauans
garde & p^{ro}tecteur de leglise Nous tauds aussi descript son Vou
loir & intēcion q^l tauoit cuide desguiser soubz le nom du roy tres
crestien Pareillemēt de ses deuy p^{ro}misses nous ands conclud ta
saictete religieuse & deuote itēcion enuers dieu et son eglise Il
ne reste tressaïct pere de present autre chose fors q^a de te admone
ster q^a tu te gardes des pleurs et larmes de cocodelle q^a sōt biendif
ferētes & autres que celles de ton filz ne te fye poit a layde & se
cours que te offre le roy des romais mais de ton filz aïsne tu te
peux assenter lequel ne querelle & ne demāde riēs au dōniare et
patrimoine de leglise que les martirs ont acquis p^{ar} leur sāg aïs
plustost ou il a este tollu & Vsurpe le ta faict rendre & restituer a
ses p^{ro}pres coustz & despēs et lequel aussi ne te reputē ne son serf
ne son Vicaire mais te ayme honore & reuere cōme son pere et cō
bien que le roy des romais tressaïct pere se soit Vente & ait assez
fieremēt & p^{ro}sūptuescēmēt escript q^a se delibere a sa Venue en ita

lie pmièrement assaillir le roy trescrestien en sa duche de millan &
ny a poit doccasion pourtāt q̄ doibues te esbahir ne q̄ tu ais au-
cune crainte ou peur de ton filz Car puis quil est acertene & ad-
uertty d'ladicte Venue tu peus bienestre assure quil t'uy apppste le
bâquet & appareil tel q̄ appptient a vng roy de recepuoir & a vng
roy destre recen & iasoit ce quilz soiēt to' deus puissās de gēs de
meur & de noblesse & soit leur force egalle toutesfois le roy tres-
crestien a la meilleure piece de harnois dauātaige sur ledit roy
des rōmais Cestassauoir la bōne & saicte & iuste q̄relle le cueur
droit & non tyrāniq̄ dōt semble q̄ ledit roy des rōmais ne se dueit
le poit armer Venues les parolles q̄l a dictes & portees a quelquy
des ambassadeurs dudit roy trescrestien leq̄l endiuifāt avec luy
de sa Venue en italie & demādaūt cōme il pourroit Venir Ven les
grās faiz & despēsēs q̄ sōt necessaires lors luy respōdit q̄ la guer-
re sentretēdroit & se nourrirōit de soy mesmes & q̄l bailleroit ita-
lie en proie & p'āge a ses gēs darmes le roy des rōmais ayāt ce
vouloir q̄ est le p'ice & ne fust il a beaucoup pres a cōparaiger a
luy q̄ doit craindre de luy resister & ēpescer cōe ennemy cōmun de la
chose publiq̄ Croy certainemēt tressaict pere q̄ quāt le roy tres-
crestien a este aduertty des dictes parolles temeraires & p'sumptu-
euses il en a este tresdesplaisāt & delibere resister de tout son pou-
oir aux efforts dudit roy des rōmais & obuier a la ruine & pdicion
de italie & cōbien que la bōne & iuste q̄relle ne puisse auoir peu de
force car dieu tousiours y est assistāt qui luy aide / le roy toutes-
fois a ia si bien pourueu a son cas & fait telle assemblee de gens
darmes q̄ luy sera trop p' facile sil deult de assaillir celuy qui le
menasse q̄ destre assailly non pas q̄ ledit seigneur ne soit prest cō-
me Vassal de l'ēpire a l'occasion de la duche de millan de luy faiz
te tout hōneur & plaisir bailler aide & secours pour sa coronation
Le q̄l offre tresuolētiers luy accorder pourueu quil y viēne com-
me il appptiēt et non p' forme d'hostelite en voulāt pillier l'italie &
la bailler en proie cōme dit est et pource q̄ ledit roy trescrestien a
fait son armee pour seulement & en intencion de resister & obuier
au tresmauuais et malin vouloir dudit roy des rōmais pour
ēpescer la pillerie et desolacion de italie te garder & le saict colli-
ge d'oppssion & iure il p'teste icy a dieu deuāt toy son Vicaire & le
saict colliège rep'sentāt l'eglise triūphāte & la maïeste diuine & non
iperialē cōe il adit q̄ si le roy des rōmais viēt en italie ayāt le vou-
loir tirāni q̄ & tel cōe dessus q̄ sil sen ensuit cōe il est Vray & semblable

Chap. lxxviii
effusion de sang destruction de villes expillaciō et pphanaciō
degglises stupres defloremēs et autres maui^s q̄ suiuent la guer
re q̄ le roy trescrestien en est tresdolent et desplaissant. et nen est
coupable Et pource quil a tousiours en soing singulier nō seu
lemēt a garder et deffendre lhōneur a la dignite de legglise/mais
par imitacion de ses p̄decesseurs la de tout son pouoir, accreue
augmentee a ceste cause sil aduenoit q̄ ledit roy des rommains
Soulsist tressainct pere aucune chose actēpter ou entreprendre
temerairement cōtre le saint siege apostolique/la saintete ou le
sainct colliege a par quelq̄ coulent ou occasion qui soit mettre
les mains Usurper le patrimoine a donaire de legglise Ledit roy
trescrestien sera tousiours prest et appareille non pas pour en
faire la vengeance apres le pernicieux a dāpne exploit q̄ dieu ne
Vueille/mais pour se mettre audeuant pour estre lescu le mur
et le propulsateur de lenemy de legglise Et ḡneralement tout ce
que ledit roy trescrestien congnoistra estre a p̄fiter au bien de
celle repoz Vnion et tranquillite de la crestiente a la seurete au
si de la saintete du saint colliege il y pouruoir a donnera or
dre de sorte que si le roy des rommains sefforce aucune chose y en
treprendre ou quil Vueille se approprier a attribuer ce qui est de
legglise a laide de dieu qui deffend son espouse et par. lintercessiō
de saint pierre et de saint pol au sang desquelz elle est fondee
et assuree en lieu dhonneur et proffit en rapportera hōte et dā
mage Et pource que entre les princes crestiens le royaume de
france se attribue par p̄p̄iete et luy est singulier propre a pecu
fier de garder a deffendre legglise a saint siege apostolique A ce
se cause le roy nōstre maistre cōme roy trescrestien a filz ainsie
de legglise nous a charge tressainct pere te offrir et au saint col
liege ce que de long temps y est dedie et Voue tous ses ḡes dar
mes et effors son royaume pais et seigneurie a ḡneralement
offrant tout ce quil tient et possede de biens temporelz et nō seu
lemēt ce/mais son p̄pre corps et iusques a la mort si besoing est
inclusiuelement avecques son ame pour lhonneur de dieu exalta
cion de sa foy et deffence de son eglise honneur repoz a conserva
cion de la saintete et saint colliege respectiuelement

cm 1 2 3 4 5 6 7 8 9 10 11 12 13 14

cm

1

2

3

4

5

6

7

8

9

10

11

12

13

14

15

16

17

18

19

